



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 92.Diploma cessionis a Gregorio XII factæ.

[urn:nbn:de:hbz:466:1-66272](#)

partes sibi demandatas Ragusino Cardi-
nali detulit; hic nomine Gregorii Ponti-
ficiis scripto declaravit, quod denuo ad pro-
curandam Ecclesiæ pacem Synodum
convocaret, seu ut alii loquuntur, appro-
baret, in quantum per Imperatorem, non
vero per Joannem XXIII. convocata
effet, illamque ratam haberet. Nam,
prout jam insinuavimus, circa hoc pun-
ctum diversa est Theologorum sententia,
quamvis ex diplomate abdicationis a
Gregorio factæ, atque a Cardinale Ragu-
sino perfectæ manifeste appareat, potius
de convocatione quam confirmatione a-
ctum fuisse. En illius tenorem:

§. XCII.

Diploma cessionis a Gregorio factæ.

Quia sanctissimus Dominus noster Grego- Labb. Com.
rius XII. Papa, audivit & intellectus, to. 12. p. 106.
atque multipliciter est informatus de cele- & seq.
bri fama hujus sacræ Congregationis pro
Generali Concilio Constantiæ congregatæ,
idcirco avidus Ecclesiasticæ unionis & refor-
mationis ac extirpationis hæreticæ pravita-
tis, commissionem fecit, prout in ejusdem
literis nunc lexis dignoscitur contineri. Cu-
jus quidem mandati vigore ego Joannes
Cardinalis Ragusinus auctoritate ipsius Do-
mini nostri, quantum ad eum spectat, ut præ-
dicta sancta unio & reformatio, ac hæreticæ
Hist. Eccl. Tom. XXVI. H præ-

Sæcul. XV. *pravitatis extirpatione effectum sortiantur;*
A.C. 1415. *istud sacrum Concilium Generale convoco, & omnia per ipsum agenda auctorizo & confirmo. Ex quibus satis aperte convocatione insinuatur.*

§. XCIII.

Diploma a Synodo approbatum.

Absoluta illius lectio Archiepiscopus Mediolanensis auctoritate Concilii dictum mandatum approbavit, & *convocationem, auctoritatem, approbationem & confirmationem nomine illius, qui in sua obedientia Gregorius XII. dicebatur, quantum ad ipsum spediat, admisit.* Utimur propriis Synodalium actorum verbis, ex quibus satis clare patet, hanc convocationem a Synodi Patribus haud alio consilio fuisse concessam, quam ut Gregorio condescenderent, proin illam convocationi jam antea Anno millesimo quadringentesimo decimo quarto factæ nihil omnino obfuisse, nec eandem tolerando, ulla tenus Oecumenici Concilii prærogativæ derogatum fuisse, quin potius, dum Gregorii convocationem confirmabat, eandem sibi denuo asseruisse. Excepit superius Diploma aliud decretum, quo abrogatae fuere omnes sententiae antea ab utraque obedientia occasione schismatis latæ, sicut etiam cunctæ excommunicationes mutuæ